

壘起襍事

吳門劉泌記

芝麻李之遁也髡髮爲頭陀僧及天下既定遊徐
之永固河河上有留連亭李徘徊久之乃題一
筆云憶昔曾爲海上豪臙脂馬上赤連刀此地
斬分陳揔管彼盱斫斷莫軍曹固知今日由天
定方信當年漫自勞英雄每每無常在戰袍着
盡又方袍三嘆投筆而出乃有一翁方且以舟
檣岸見李發嘆問其故李泣下謂曰我卽蕭縣
李二也起兵時自謂天下可得今乃匿踪緇流

芝麻李之遁也
髡髮爲頭陀僧
及天下既定遊
徐之永固河河
上有留連亭李
徘徊久之乃題
一筆云憶昔曾
爲海上豪臙脂
馬上赤連刀此
地斬分陳揔管
彼盱斫斷莫軍
曹固知今日由
天定方信當年
漫自勞英雄每
每無常在戰袍
着盡又方袍三
嘆投筆而出乃
有一翁方且以
舟檣岸見李發
嘆問其故李泣
下謂曰我卽蕭
縣李二也起兵
時自謂天下可
得今乃匿踪緇
流

暫免鋒鏑而功名不就鄉舊何存是以不能不悲耳此翁亦淚流不止自陳其由所謂湘鄉賊鄧文元也避難詭姓名作渡于此二人沽村酒酌之話昔日之強梁傷今日之狼狽聞者爲之感嘆

方谷垓起兵時嘗造天台山隱士周必達問計必達曰當今四方雖亂君舉義爲天子除盜斯名正言順富貴可致耳餘非我所知也谷垓不別而去必達意垓復來乃題句扉上云海角愚夫不自斟妄起關中逐鹿心命運由來非力致項

羽英雄亦就擒遂携妻子入山谷中明日垓果來恨不先殺之焚其廬而去後谷垓事不成爲兵所困方悔曰不意黃毛野人能料事至此嗚呼晚矣乃投水死

徐壽輝以閭巷之庸纔一月而卽稱帝

至正十一年八月起

兵九月卽帝位于蘄水

僭號十年然長于謀敵而短于制

勝故攻城畧地皆委于倪文俊等及有功者多忌之是以卒罹其難大抵欲計功謀利者當置心人腹中不宜相忌則必有一傷矣

四飛山亦曰陽山產白塔膩滑精細士誠取之作

塔面之飾和以脂膠久而不變有水雲白雪浪花玉鱗堦等各以形製名也

元夕張燈城中燈毬巧麗他處莫及有玉柵燈琉璃燈萬眼羅百花欄流星紅萬點金街衢雜踏人物喧嘩士誠登觀風樓開賞燈宴令從者賦詩號望太平

張王基本舊治也大亂後百餘年來忽有三異亦氣厚之所鍾也生一草結實如小紅燈夜則開之以承露人取飲之百病自愈人呼爲天膏一異也其根可以爲厨料置飲食中盛暑不敗二

異也一男子陰囊大如斗號浪蕩子陝西大賈識爲至寶買去俟其死破囊得二玉碗世所絕無三異也

僞周用王敬大蔡彥文葉德新爲參軍謀國事三人皆奴才也丁未春蔡葉伏誅于南京風乾其屍于竿一月王已死初吳人爲十七字詩云丞相做事業專用王蔡葉一夜西風來乾驚竟其成讖

韓林兒始出潁川逃之武安爲穿窬漸肆劫殺有徒旣繁乃嘯亂稱小明王劉福通迎居亳州未

幾遁于安豐至正十八年又都河南汴梁

林兒母楊氏雖老而善自粧飾性頗淫見人則匿其年云四十自稱少娘又善爲嬌狀使人忘其老司徒杜遵道通焉目之爲少郎自是專權怙勢人皆嫉之時有好事者榜其門云斜倚水開花有思緩隨風轉柳如癡花喻楊柳喻杜也

林兒居汴時事皆決于左右日惟于福源池捕魚以爲樂得魚則鱠之與群小沉醉自謂斫鮮之會又起樊樓于土市子街西飾紅裙綺瑟于上將帥出師飲餞于此林兒自稱樊樓主人或暮

夜燈火遊翫

宋故宮太后苑舊有土峯十餘處林兒命士卒毀平之獲紅玉指環青金照子花紋石研粉盤等物

林兒爲劉福通等所推戴建國曰宋改元龍鳳劉護軍基始就之謂豎子不足謀去適 皇祖 皇祖時亦與共事故平僞周榜有皇帝聖旨 吳王令旨之語仍稱龍鳳十二年 皇祖嘗謂 劉應使除之乎基云不足爲伺他息燭時彼已 先下矣因請建號大明 祖從之韓果先殄實

洪武元年也

張士誠至正十三年據高郵僭號後居蘇州兵糧
饒足雄視一時

丞相士信守湖州粧二美姬以進士誠起香桐芳
蕙二館居之又選三吳良家女八十餘人充內
使時宮闕未備就于府後起重樓邃閣數十間
以爲閨闈之所摠名之春錦園

城內淤川士誠嘗以彩漆金花舟施錦帆載美人
泛此列妓女于上使唱尋香採芳之曲本朝高
太史啓詩云水繞荒城柳半枯錦帆去後故宮

蕪窮奢畢竟輸漁父長保秋風一幅蒲因名其
處曰錦帆涇今府城濠是也

韓林兒在安豐時建八部龍天會謬言助已征伐
齋八百個道人一道人齋畢置一鉢盂而去盂
上細書云兩木是孤林一木掛曲尺曲尺成四
方孤林風自拔林兒見之不悅乃築曲尺臺以
自解

壘起禱事終